

諭 旨

戊申五月全

上諭本年三月二十九日雲南邊境猝有匪黨勾結生事邊防兵力單弱河口南溪壩酒等處相繼不守軍威未振匪餓日張幾成燎原之勢迭經電飭雲貴總督錫良調集營隊迅圖剿除以免滋蔓先後據該督奏報軍情各路軍營所向有功至四月二十七日將失陷地方已一律克復大股悍匪亦殄除殆盡錫良激勵將士調度有方奮勇圖功殊堪嘉尚西路疊耗一役首挫匪鋒斬獲甚多田房之捷連復四隘遂能逐節掃盪直搗河口東路各營布置周密謀定後動猛擊痛殲一夕之內連克寨壘多處收復大小南溪匪勢潰散全局轉危為安河口得以迅速成功中路匪夥兇悍地勢險峻承防各營力禦跟追仰攻苦戰亦能節節獲勝克復三空河老范寨等處其立功卓著之趙金鑑胡興業經降旨特先賞給勇號以示優異其餘出力將士俟錫良查明奏到再予立沛恩施所有傷亡官兵應由錫良查明奏請優卹其失守營地各員弁亦應從嚴參辦以昭炯戒去冬匪黨竄擾桂邊未七日而凶頑殄除此次深入滇境未匝月而悍股聚殲此等醜類妄思作亂徒取誅戮法固難寬愚亦可憫朝廷以好生為德不厭反覆誥誡著錫良張鳴岐隨時剴切曉諭沿邊土庶各勵忠愛安分樂業勿受奸匪煽惑以身試法亦不可容留匪類致被牽連並著錫良督飭文武印委各員將滇邊防務暨一切善後事宜妥籌布置勿得再涉疏忽欽此五月初一日

上諭此次驗看之游學畢業貢士田樹榎著給予進士出身陳正猷著給予同進士出身由學部照章考試俟驗看後再行授職欽此○上諭四川敘州府知府員缺著德爵補授欽此○上諭趙爾豐奏特參貪庸不職文武各員一摺四川候補知縣署察木多糧務李方懸辦事荒謬釀事變捐升知縣候補縣丞陳昌先試用巡檢陳希廉舞弊營私補用都可

藍澤湘守備白雲鶴操防懈弛聲名甚劣均著卽行革職金堂縣知縣劉肇烈聽斷糊塗操守難信著以典史降補餘著照所議辦理該部知道欽此 初二日

旨翰林院侍講著樊恭煦補授欽此○旨翰林院侍講著薛寶辰補授欽此○上諭前因雲南河口南溪等處相繼規復當卽諭令錫良將出力將士查明奏請獎勵茲據錫良電奏各路新舊將弁皆能奮不顧身於暑雨盛瘴之時冒險進剿平匪亂得免蔓延辦理迅速自應予加恩記名提督雲南開廣鎮總兵白金柱著賞給黃馬褂並賞給頭品頂戴賞換吉里杭阿巴圖魯名號二品銜廣東按察使署理雲南按察使魏景桐著賞給頭品頂戴二品銜署理雲南臨安開廣道增厚著遇有應升之缺開列在前並賞給頭品頂戴調往雲南差遣江蘇候補道趙上達二品銜補用道方宏綸三品銜補用道王慶虞均著交軍機處存記王慶虞並賞加二品銜三品銜雲南候補知府楊福璋著免補知府以道員仍留原省補用並賞加二品銜中路統領在任候補道臨安府知府王正雅著在任以海關道記名並賞加二品銜賞換霍隆武巴圖魯名號西路統領雲南補用同知賀宗章著免補同知以知府仍留原省補用並賞加鹽運使銜代理陸軍標統留滇補用直隸州知州趙金鑑著免補直隸州知府以道員仍留原省補用並賞加二品銜在任候補知府護理開化府知府准補大關廳同知陳先沅著俟補知府後以道員在任補用並賞加三品銜分省補用知府龍裕光著免補知府以道員分省補用並賞加二品銜雲南陸軍協統候選內閣中書陳宦著以員外郎分在陸軍部補用陸軍步隊營官候選知縣周國祥著免選知縣直隸州以知府儘先選用並賞給振勇巴圖魯勇號管帶蠻耗保商營同知職銜曾國楨著以同知分省補用並賞加四品銜雲南候補知府高培焜著免補知府以道員仍留原省補用候補知府黃寶賢著俟補缺後以道員用並賞加監運使銜在任候補同知准補晉甯州知州葉大林著免補同知以知府在任補用拔貢知縣朱勳

著免補知縣以同知仍留原省補用並賞加四品銜補用同知李蔭硃著免補同知以知府仍留原省補用候選知縣饒家斌著免選知縣以直隸州知州分省補用並賞加四品銜分省縣丞柯樹勳著免補縣丞以知縣分省補用補用游擊胡興著免補參將以副將儘先補用並賞加總兵銜補用副將李德泳著免補副將以總兵記名並賞給銳勇巴圖魯勇號補用游擊馬文仲著免補參將以副將儘先補用並賞戴花翎補用游擊姜德與武成彥補用都司馬廷芳楊光宸馬文星均著免補游擊以參將儘先補用補用都司張鼎甲宋魏龍際萬林均著以游擊儘先補用補用守備王洪順著免補都司以游擊儘先補用補用千總馬雲山白映庚謝逢春雲騎尉世職趙勳泰均著免補守備以都司儘先補用補用千總劉沛運著以守備儘先補用五品軍功鄧雲廣著免補千總以守備儘先補用五品軍功劉鳳朝蔣振彪馬朝先李廷蔚武生金殿舉均著免補把總以千總儘先補用陸軍步隊營管帶伍祥植礮隊營管帶彭毓崇均著補授協參領營隊官沈秉忠隊官巴我順趙遐壽孔堅銳均著補授正軍校並以協參領記名隊官李名山王大潛熊鴻鈞均著補授正軍校並加參領銜營隊官杜正才隊官余驥騰均著補授正軍校排長胡長標著補授副軍校並加正軍校銜州同職銜黃錫元著以州同分省補用並加五品銜巡檢姜含章附生張鳳元田金樹陳其斌均著以府經歷分省補用已革花翎三品銜捐升四川試用道前四川長壽縣知縣唐我圻著開復原官銜仍歸原省補用並免繳捐復銀兩餘著照所議辦理該部知道欽此 初三日

旨內閣典籍登瀛安徽安慶府江防同知王金毅江西南昌府水利通判古銘猷山西定襄縣知縣謝桓武河南濬縣知縣閔道山東肥城縣知縣蘇植瑞山西屯留縣知縣裘祖誠浙江義烏縣知縣李維壽四川大足縣知縣朱光謙廣東海康縣知縣伊臚四川永甯縣知縣馮庚福建仙游縣知縣周慶慈雲南石屏州知州杜宗澤貴州廣順州知州彭澤就

江蘇蘇州府靖湖通判劉嘉琦擬補內閣中書恩慶杭州將軍衙門左翼筆帖式文杰右翼筆帖式榮林均堪以准其補授保送分發同知內閣中書錫嘏堪以同知分發省分補用截取內閣中書歐陽榮泉保舉直隸補用知縣胡中英安徽補用知縣李壽慈四川補用知縣趙秉鈞廣東補用知縣董顯揚病痊前廣西慶遠府知府全興均堪以照例用開復奏調湖北前山東即補道朱鍾珙堪以准其開復原官照例用江西建昌縣知縣梁繼泰堪以准其開復原官仍留原省補用湖北試用知縣葉丙勳堪以准其開復原官原銜照例用欽此○旨廕生海崑著以文職用袁克文著內用翰林院撰文員缺著景潤補授續考保送御史張鴻著記名以御史用截取繁缺知府湖南道監察御史石長信陸軍部郎中廖振樂法部郎中連培型俱著照例用欽此○諭旨此次驗看之明保候選道前河南知州署禹州知州蔣懋熙著發往河南以道員補用欽此 初六日

諭旨學部奏請將中國舊律與新律草案詳慎互校斟酌修改刪併以維倫紀而保治安一摺著修訂法律大臣會同法部按照所陳各節再行詳慎斟酌修改刪併奏明辦理欽此 初七日

上諭鹿傳霖著充國史館副總裁欽此○旨劉春霖電奏悉蘇掄元先准其帶往差委俟有勞績再請加恩欽此 初八日
上諭委散秩大臣前通政司參議胡祖蔭候補四品京堂劉能紀候補四五品京堂左景祐年力富強正資歷練胡祖蔭著派在郵傳部丞參上行走劉能紀著派在農工商部丞參上行走左景祐著派在陸軍部丞參上行走欽此○上諭自咸豐同治以來髮捻回各匪擾亂各省陸續戡定其文武大員勳績卓著者皆已懋賞酬庸或錫予爵職現計閱時已五十餘年各勳臣子孫其名位顯達者固不乏人而浮沈下位伏處鄉里者亦復不少方今朝廷保民綏邊銳意向武聞輩思將彌念前勞當經諭令各省督撫各旗都統將勳績尤為卓越諸臣後裔查明有何官職彙報茲據軍機大臣開單呈

覽自應渥沛恩施前西安將軍多隆阿之次孫著墨爾根副都統正黃旗協領壽慶著以副都統記名簡放曾孫應襲男爵奎弼著以郎中補用前湖北提督向榮之曾孫向楷著以知府分省即補向迺全著以主事補用前安徽巡撫江忠源之孫江慎勳著以知府分省即補曾孫一等輕車都尉江勤培著以員外郎分部補用前布政使銜浙江甯紹台道羅澤南之孫騎都尉羅長耿著以知府記名簡放曾孫羅延祚著以主事分部補用前協辦大學士四川總督駱秉章之孫浙江嚴州同知調補玉環同知駱林勳著以知府在任即選曾孫駱毓樞著以主事分部補用前江南提督張國樞之孫男爵張繩祖著以知府分省即補張繼祖著以主事分部補用前巡撫銜浙江布政使李續賓之孫度支部郎中兼襲男爵李前普著以道員記名簡放曾孫李正繩著以主事分部補用前兵部尚書彭玉麟之次孫湖北補用道彭見毅著以道員記名簡放曾孫彭萬澂著以主事分部補用前陝甘總督楊岳斌之子軍機處存記福建遇缺儘先題奏道一等輕車都尉楊正儀著仍以道員記名簡放孫楊道澂著以主事分部補用前四川提督鮑超之次子農工商部主事兼襲子爵鮑祖恩著以知府即選孫陸軍部主事鮑世爵著以郎中分部補用前署安徽巡撫布政使李孟羣之孫李與仁著以知州即選李與孝著以主事分部補用前江西南贛鎮總兵程學啓之嗣子江蘇試用道兼襲男爵程建勳著以道員記名簡放前廣東提督劉松山之孫江蘇候補道兼襲子爵劉國安著以道員記名簡放曾孫劉家琨著以主事分部補用前貴州提督馮子材之次子浙江候補知府馮相華著以道員記名簡放孫馮承鳳著以主事分部補用前湖南提督塔齊布著該管旗查明立嗣奏請恩施用示朝廷培植世臣激勵將士之至意欽此 初九日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨袁樹勛奏衍聖公孔令貽差次丁憂回籍守制一摺孔令貽之母命婦彭氏秉性賢淑訓子有方昔年屢次來京朝覲具見誠懇前以該命婦六旬賜壽賞給無量壽佛等

諭旨

五十三

戊申

諭旨

五十四

六月

件用示優寵茲因啟程來京謝恩在濟南途次逝世覽奏殊深惋惜加恩著賜祭一壇賞銀二千兩治喪由山東藩庫給發餘著照所請該部知道欽此 初十日

旨奏留四川補用道胡嗣芬堪以准其以道員留川補用分發直隸試用道謝嘉祐孫啟泰湖北試用道曾傳經李沛恩湖南試用道朱祖蔭四川試用道冷利南朱遠綬廣西試用道陶敦勉麥淙微貴州試用道黃午元直隸試用知府劉世珍張鴻謨湖北試用知府馮敷彰湖南補用同知濮賢慈江蘇試用同知易蕃四川試用同知蕭勳直隸試用同知遲憲章朱掄元山東試用直隸州知州朱照安徽試用直隸州知州周樹楠直隸補用知州高欽河南試用知州呂學傳湖南補用通判劉蔭棠江蘇試用通判徐之模陝西試用通判趙璧光湖北試用通判蕭史鳳四川試用通判張傳易河南試用通判湯燿煌湖北試用通判張棟南四川試用通判邱繼曾直隸試用直隸州州同陳寶璽湖北試用直隸州州同段繼輝廣西試用直隸州州同金漢斌安徽試用直隸州州同劉青選四川試用直隸州州同孫承信山東試用直隸州州同辛鏡清直隸補用知縣朱學軾林珪王化存福建補用知縣江宗岳湖南補用知縣汪祖壽直隸試用知縣金國慶江樹琛趙成杰丁其慰陳鴻烈江蘇試用知縣程鴻謀緒昌王乃康山西試用知縣周鳳岡郭慶琳呂崇倫河南試用知縣崔曼鄒廷鑾劉鼎瑞金亮弼陝西試用知縣劉師寵甘肅試用知縣吳以莊福建試用知縣錫璋江西試用知縣楊英湖北試用知縣徐德彙翁純仁趙嵩元文世權汪長蔭湖南試用知縣楊光俊堯勳蘇鏡清四川試用知縣余壽松曾友顏陳錫周喬聯沅廣東試用知縣陳錫瓚姚體榮蔣乃康于國楷廣西試用知縣陳啟周陝西試用知縣王友曾河南試用知縣繆光芴陝西試用布庫大使燕肇爽山西試用布庫大使李振岐廣東試用運庫大使高士湘四川試用鹽大使張奎炯河東試用鹽大使石合輝長蘆試用鹽大使段永清兩廣試用鹽大使姚貴岱四川試用鹽大使孫竹森楊鈺昌直

錄試用鹽大使范佐堯兩淮試用鹽大使張文杰河東試用鹽大使施雨潤耿壽泉兩浙試用鹽大使王文煥四川試用鹽大使王鏡溪均堪以照例發往欽此 十一日

上諭廷杰奏舉劾屬員一摺熱河建昌縣知縣陶藻華准補阜新縣知縣姚致遠准補灤平縣知縣李文昇既據該都統臚陳政績均著傳旨嘉獎建平縣知縣饒麟貪酷鑽營虐下媚上候補知縣段光烈狠瑣無能沾染嗜好試用道判文瑞才具平庸操守難信均著即行革職請補豐甯縣知縣候補同知李銓性耽安逸遇事偏執著開缺另補該部知道欽此

○旨毓隆著補授內閣學士兼禮部侍郎銜欽此 ○旨翰林院撰文著程械林補授欽此 十三日

上諭國家根本惟在民生而養民救民之官以州縣為最親其責任最為重要凡撫字催科聽斷緝捕悉萃於收令之身一邑數十萬生靈於斯託命加以各項新政待舉備極繁難非才力優長素經歷練不足以副委任吏部職司銓選自例章繁密僅以班次資格為定衡大失量能授官之本意邇來保舉捐納冗濫甚多治理民情多未明達檢查法律亦不能通解即係正途出身於吏治亦尚乏體驗不能措置裕如此等人員專憑年資入選一旦任事大率聽命幕友縱容丁胥百弊叢生小民深受其害聞各省選缺州縣驟膺外任不諳吏事者十居七八該管督撫格於部章日久不能不使之到任及到官僭事雖加撤參地方元氣已傷其為害於國計民生者甚鉅嗣後州縣兩途著將部選舊例限三箇月後即行停止所有各班候選州縣由吏部分別查明會同軍機大臣迅速妥擬章程具奏請旨頒行其應選州縣依次分發各省作為改選班外省原有各項候補班次輪次亦應酌量刪減歸併凡改選人員到省後督撫率同三司量其才性試以吏事或派入法政學堂分門肄業並須勤加考察除有差人員隨時接見外其餘各員每兩箇月必須傳見一次三司按月傳見一次詳細考詢其才識學業能否造就有無進益如有糊塗謬劣不通文理或沾染嗜好或年力就衰等情均咨回

諭旨

五十五

戊申

原籍扣除本班其應補人員各該督撫務須一秉至公認真甄核不得瞻徇偏執敷衍遷就總期親民之官歷經試驗烟習治理一洗聞昔倖濫之習用副朝廷察吏安民之至意欽此○上諭廕昌楊士驥奏遵旨校閱陸軍第四鎮一摺據陳此次校閱各隊情形頗屬精嫻成效漸著深堪嘉許仍著楊士驥督飭認真訓練力求精進月異日新逐漸擴充悉成勁旅用副朝廷修明武備振厲戎行之至意除依議欽此 十五日

上諭袁樹勛奏著紳鄉舉重達顯懇恩施一摺提督銜前甘肅肅州鎮總兵田在田早授武科會膺專閫茲屆該總兵鄉舉之年花甲適周洵屬熙朝盛事加恩著賞給太子少保銜以惠耆年欽此○旨著派慶恩德茂進稽察三海值班官兵大臣班欽此 二十日

旨廕生文良著內用翰林院秘書郎員缺著李哲明補授協理遼瀋道漢監察御史員缺著王履康補授揀補宗人府漢主事員缺著崔登瀛補授欽此○旨揀選一等截取揀選舉人施子珩陳壽芝田謙毅陳文輝柳焱春傅如恆王宗孔吉仙觀黃光昭呂鏡陳元章毛昌傑吳忠本李存毅均堪以知縣用揀選二等截取揀選舉人董鑾李毓杰黃法乾彭灼張淑輝戴仁祿蕭蘭卿楊興新趙文衡李楚珩張尚齡熊慶師劉載庚宋育辰柳汝藩楊耀宗蔡蔭蘭顧汝松周鉞漆耀廷宋汝梅盛元楷蘇國炳呂策袁蔭翹張漢彝李佐唐翼蔭樟鄭嘉復張鵬翥張德清常家鈺顏錫均李光初何乾生楊世燕李運開陳丹書朱德銘李紹蓮孔昭銀尚寶楷陳炳台岳鎮中陳喬年王瀛趙松齡張鍾璜王孝達江命職董自芳王國香劉文炳劉汝鵬孫允端均堪以直隸州州同鹽庫各大使掣用擬補內閣中書彭萃文蕭端潔月選度支部筆帖式鳳鳴均堪以准其補授保送撫民同知裁缺國子監助教榮祥堪以交部記名以撫民同知用保舉湖北補用知府祁友蒙山東補用直隸州知州余際春均堪以照例用奏留吏部學習主事李景綱彭守正石雲星均堪以准其留部欽此 二

十一日

上諭倉場侍郎李絨藻由翰林洊升卿貳調任倉場侍郎克勤厥職茲聞溘逝軫惜殊深加恩著照侍郎例賜恤任內一切處分悉予開復應得卹典該衙門查例具奏欽此○上諭倉場侍郎著汪大燮調補未到任以前著吳郁生署理欽此

○上諭外務部右侍郎著梁敦彥補授欽此二十二日

旨翰林院學士著錫鈞補授欽此二十三日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨誠勤額勒渾奏蒙民各旗羣被雪成災懇恩撫卹一摺本年蒙古地方春雨過大又復狂風時作察哈爾廂白等旗及陸軍部左右兩翼商都牧羣等處人畜被災甚重頗多損傷蒙民當此困苦軫念實深著賞給帑銀五萬兩由度支部給發交誠勳等派委妥員按照所屬災區查明戶口察看輕重分往散放務使實惠均霑毋任失所用副朝廷撫恤蒙民之至意該部知道欽此○上諭禮部奏萬壽聖節禮儀一摺著在仁壽殿行禮停止筵宴餘依議欽此○上諭署吉林提學使吳魯署貴州提學使柯劭忞著來京派在學部丞參上行走吉林提學使著曹廣楨補授陳驤著以道員用署理貴州提學使欽此○上諭此次驗看之辦學期滿翰林院庶吉士許承堯著授職編修欽此○上諭林紹年奏吏部右侍郎張仁黼因病懇請開缺一摺張仁黼著准其開缺欽此○上諭前據江蘇巡撫陳啓泰奏進在籍分部郎中曹元弼所撰禮經校釋一書當交南書房閱看茲據奏稱該員所著禮經校釋疏通證明持論頗多可採後附禮經纂疏序於禮學源流言之甚詳等語曹元弼著加恩賞給翰林院編修用示嘉獎原書著發交禮部禮學館以備參考欽此二十六日

上諭吏部右侍郎著于式枚調補未到任以前著瑞良署理郭曾忻著補授禮部右侍郎欽此二十七日

諭旨

五十七

戊申

總 旨

上諭禮部左侍郎著景厚轉補欽此二十八日

上諭郵傳部左丞著那晉轉補李經楚著補授郵傳部右丞郵傳部左參議著李稷勳轉補胡祖蔭著補授郵傳部右參議欽此二十九日

五十八

六月

